

Na osnovu članova 12. i 14. Zakona o udruženjima i fondacijama ("Službene novine Federacije BiH" br. 45/02), Skupština Studentskog udruženja pri Filozofskom fakultetu "Soba deset" u Sarajevu na sjednici održanoj _____ 2009. godine, donijela je:

Statut

"Studentskog udruženja pri Filozofskom fakultetu 'Soba deset'"

Poglavlje I: Osnovne odredbe

Član 1.

(1) Ovim se Statutom reguliraju odredbe o nazivu, sjedištu i području djelovanja udruženja; o obliku i sadržaju pečata i znaka udruženja; o ciljevima te djelatnostima kojima se ostvaruju ciljevi; o uvjetima i načinu učlanjenja, prestanku članstva; pravima, obavezama i odgovornostima članova/ica; o zastupanju i predstavljanju udruženja; o organima udruženja, njihovom sastavu, njihovim ovlastima, načinu imenovanja i opoziva, trajanju mandata te odgovornostima članova/ica, kvorumu i pravilima glasanja; o ostvarivanju javnosti rada udruženja; o postupku za donošenje, izmjenu i dopunu statuta i drugih općih akata udruženja; o imovini i raspolaganju s mogućom dobiti; načinu nabavljanja imovine, te pravilima za raspodjelu imovine u slučaju prestanka rada udruženja; o uvjetima i postupku za pripajanje, razdvajanje, transformaciju ili prestanak rada udruženja; i drugim pitanjima od značaja za ciljeve i djelatnost udruženja.

Član 2.

(1) Udruženje "Studentsko udruženja pri Filozofskom fakultetu 'Soba deset'" (u daljnjem tekstu: Udruženje) je dobrovoljno, nevladino, neprofitno i nestranačko udruženje studenata/ica Filozofskog fakulteta Univerziteta u Sarajevu utemeljeno radi promicanja i zastupanja njihovih prava i interesa, te unaprjeđenja standarda njihova studija.

Član 3.

(Naziv udruženja)

- (1) Puni naziv udruženja je: "Studentsko udruženje pri Filozofskom fakultetu 'Soba deset'".
- (2) Skraćeni naziv udruženja je: "Soba deset".

Član 4.

(Sjedište i područje djelovanja udruženja)

- (1) Sjedište Udruženja je na Filozofskom fakultetu Univerziteta u Sarajevu, Franje Račkog 1, soba 10, 71000 Sarajevo.
- (2) Područje djelovanja Udruženja je Kanton Sarajevo.

Poglavlje II: Znak i pečat

Član 5.

(Znak)

- (1) Udruženje ima svoj znak, koji je u obliku uspravljenog pravougaonika kojeg čini deset paralelnih crnih linija.

Član 6.

(Pečat)

- (1) Udruženje ima svoj pečat, okruglog oblika, promjera _____ mm, u čijem se središtu nalazi znak Udruženja, a oko kojeg je ispisan tekst "Soba deset | Studentsko udruženje pri Filozofskom fakultetu | Sarajevo" latiničnim pismom.
- (2) Pečat su ovlaštena koristiti lica izabrana za zastupanje i predstavljanje Udruženja, uz prethodnu suglasnost ostalih izabranih članova/ica u Odboru Udruženja.

(3) Čuvanje i upotreba pečata se pobliže uređuju Pravilnikom Udruženja.

Poglavlje III: Ciljevi i djelatnosti

Član 7. (Ciljevi udruženja)

(1) Programski ciljevi i zadaci Udruženja su:

- (a) afirmacija naučnih, kulturnih i intelektualnih vrijednosti suvremenog društva;
- (b) aktivna briga za ostvarivanje obrazovnih, društvenih, kulturnih i drugih interesa studenata/ica;
- (c) zalaganje za puno poštovanje studentskih prava i sloboda te temeljnih ljudskih prava i sloboda studenata/ica;
- (d) unaprjeđenje kvalitete i standarda studija;
- (e) zalaganje za i doprinos razvoju modernog i autonomnog univerziteta;
- (f) zalaganje za i doprinos ostvarivanju slobodnog, demokratskog, pluralnog, tolerantnog, socijalno pravednog i nenasilnog društva;
- (g) zaštita socijalno-zdravstvenog statusa studenata/ica;
- (h) uključivanje studenata/ica u evropske i svjetske tokove života, prevazilazeći geografske i političke regionalizacije i ograničenja, kao i uključivanje studenata/ica u sve tokove razvoja Bosne i Hercegovine;
- (i) zalaganje za slobodu naučnog, nastavnog i obrazovnog procesa na Fakultetu i Univerzitetu, te otvoreni dijalog s društvom;
- (j) doprinos reanimiranju studentskog tijela Filozofskog fakulteta kao aktivnih pripadnika/ca i učesnika/ca u životu akademske zajednice i šireg društva, te poticanje na njihovo učešće u aktivnostima Udruženja i na studentski i građanski aktivizam;
- (k) uspostavljanje suradnje na strukovnom, naučno-stručnom, kulturno-zabavnom i sportskom nivou;
- (l) povezivanje i suradnja s drugim studentskim, omladinskim i sličnim organizacijama na Fakultetu, Univerzitetu i šire;
- (m) učešće studenata/ica u procesu tvorenja i realiziranja programa rada Fakulteta, Univerziteta i učešća u organima i tijelima Fakulteta i Univerziteta;
- (n) uvođenje studenata/ica kroz obrazovni proces u naučne i stručne projekte od značaja za BiH, evropsku i svjetsku zajednicu;
- (o) razvijanje ferijalne prakse u zemlji i inozemstvu za potrebe studenata/ica zasnovane na naučno-stručnim programima fakulteta.

Član 8. (Djelatnosti udruženja)

(1) U svrhu ostvarivanja svojih ciljeva, Udruženje obavlja sljedeće djelatnosti:

- (a) zastupanje prava i interese studenata/ica u obliku posredovanja u komunikaciji između studenata/ica i upravnih tijela fakultetskih, univerzitetskih i drugih institucija, te pružanje savjetodavne pomoći studentima/cama pruža kroz Odjela za prava i standard Odbora;
- (b) organiziranje tribina, javnih rasprava, skupova, seminara i drugih kulturnih, zabavno-sportskih i obrazovnih manifestacija;
- (c) učestvovanje u unutardržavnim i međunarodnim programima razmjene studenata/ica, u cilju povećanja mobilnosti studenata/ica i doprinosa razvoju Evropskog područja visokog obrazovanja (EHEA);
- (d) stalne i redovne aktivnosti na ostvarenju optimalnih uslova socijalno-zdravstvenog osiguranja studenata/ica, te na stvaranju uvjeta za uključivanje studenata/ica koji su završili barem jedan od tri ciklusa studija u proces rada;
- (e) izdavanje novina, časopisa, brošura i sl.;
- (f) druge djelatnosti potrebne za ostvarivanje ciljeva Udruženja.

(2) Djelatnosti Udruženja ostvaruju se kroz rad odjela Odbora Udruženja.

Član 9. (Načela djelovanja udruženja)

(1) Načela djelovanja Udruženja su: poštovanje različitosti stavova, misli i ideja, sloboda izbora, samostalnost

organizacije u radu, javnost i demokratičnost te odgovornost pojedinca i organizacije za rad.

(2) Diskriminacija na osnovu spola, roda i rodnog identiteta, rase, nacije, etničke pripadnosti, religijske pripadnosti, porijekla, imovinskog stanja, invaliditeta, seksualne orijentacije i seksualnog identiteta, političke opredjeljenosti, te ma kog drugog individualnog i kolektivnog identiteta nije dozvoljena u radu Udruženja.

Poglavlje IV: Članstvo

Član 10.

(Uvjeti i način učlanjenja)

(1) Članstvo u Udruženju je dobrovoljno i besplatno.

(2) Članom/icom može postati svaka osoba koja prihvati statut Udruženja i popuni pristupnicu članstvu u Udruženju a zadovoljava uvjete propisane u članovima 12. i 13. ovoga statuta.

(3) Prepreka članstvu ne smiju biti pripadnost ili identificiranje s individualnim i kolektivnim identitetima spomenutim u članu 9. ovoga statuta.

(4) Izgled i sadržaj pristupnice članstvu pobliže se uređuju Pravilnikom Udruženja.

Član 11.

(Vrste članova/ica)

(1) Članovi/ce mogu biti: redovni/e, počasn/e.

Član 12.

(Redovni članovi/ce)

(1) Redovnim članovima/cama Udruženja mogu postati svi studenti/ce Filozofskog fakulteta Univerziteta u Sarajevu koji/e prihvataju i aktivno podupiru program i statut Udruženja te popune pristupnicu članstvu u Udruženju.

Član 13.

(Počasni članovi/ce)

(1) Počasnim članom/icom može postati svaka osoba koja ima izuzetne zasluge u ostvarivanju temeljnih ciljeva Udruženja.

(2) Počasnim članom/icom postaje se na temelju odluke Skupštine Udruženja.

Član 14.

(Članske iskaznice i evidencija o članstvu)

(1) Članovima/cama Udruženja izdaje se članska iskaznica Udruženja.

(2) Izgled, sadržaj i način izdavanja iskaznice Udruženja utvrđuje se Pravilnikom Udruženja.

(3) Evidencija o članstvu se vodi arhiviranjem popunjenih pristupnica članstvu te njihovom digitalizacijom u elektronskoj bazi podataka.

(4) Za vođenje evidencije o članstvu zadužen je Odjel za prava i standard Odbora Udruženja.

Član 15.

(Prava, obaveze i odgovornosti članova/ica)

(1) Prava, obaveze i odgovornosti članova/ica Udruženja su:

(a) učestvovati u aktivnostima Udruženja i radu tijela Udruženja;

(b) u slučaju redovnih članova/ica, birati i biti biran u tijela Udruženja;

(c) tražiti pomoć u ostvarivanju svojih prava iz područja djelovanja Udruženja;

(d) ocjenjivati rad Udruženja;

(e) svojim djelovanjem štiti interese i imovinu Udruženja.

(2) Studenti/ce mogu biti izabrani u tijela Udruženja bez obzira na članstvo u drugim udruženjima, organizacijama, pokretima ili političkim strankama pod uvjetom da njihovo članstvo u istim ne smije imati bilo kakav utjecaj na rad Udruženja.

(3) U slučaju da se potvrdi utjecaj drugih udruženja kroz člana/icu koji/a vrši funkciju u tijelima ovog Udruženja, te koji šteti radu i interesima Udruženja, pokrenut će se postupak za smjenu, a u grubim slučajevima pokrenut će se postupak za isključivanjem iz članstva.

(4) Član/ica Udruženja ne može biti izabran/a u izvršno tijelo Udruženja ukoliko unutar dvije godine studija nije stekao/la najmanje 60 ECTS bodova, odnosno ukoliko je dva puta obnovio/la istu godinu studija.

Član 16. (Prestanak članstva)

(1) Članstvo u Udruženju prestaje:

- (a) dobrovoljnim istupanjem iz Udruženja;
- (b) prestankom statusa definiranog u članu 12., odnosno 13. ovoga statuta;
- (c) isključenjem iz Udruženja po odluci Skupštine Udruženja, i to ako je član/ica namjerno ili iz krajnje nepažnje radio/la protivno načelima i ciljevima definiranim ovim statutom;
- (d) smrću člana/ice.

Poglavlje V: Ustrojstvo

Član 17. (Zastupanje i predstavljanje Udruženja)

(1) Udruženje predstavlja i zastupa troje od devet izabranih članova/ica Odbora Udruženja (u daljnjem tekstu: Odbor), svaki/a iz jednog od tri odjela Odbora.

Član 18. (Tijela udruženja)

(1) Tijela Udruženja su:

- (a) Skupština;
- (b) Odbor;
- (c) Studentsko vijeće;
- (d) Nadzorni odbor.

Poglavlje V(a): Skupština

Član 19. (Skupština udruženja i njen sastav)

- (1) Skupština Udruženja (u daljnjem tekstu: Skupština) je najviše tijelo upravljanja Udruženjem.
- (2) Skupštinu čine svi redovni članovi/ce Udruženja.
- (3) Zasjedanje Skupštine može biti redovno, izborno i vanredno.

Član 20. (Redovno zasjedanje skupštine)

- (1) Skupština redovno zasjeda četiri puta godišnje, i to u septembru, decembru, martu i junu.
- (2) Redovna zasjedanja Skupštine saziva Odbor, najmanje sedam (7) dana prije samog zasjedanja.
- (3) U odluci o sazivanju Skupštine Odbor utvrđuje dnevni red, sastavlja radni materijal i određuje dan zasjedanja, te je dužan na zasjedanje pozvati sve redovne članove/ice Udruženja.

Član 21. (Izborna zasjedanje skupštine)

- (1) Skupština izborna zasjeda jednom godišnje, i to u maju.
- (2) Izborna zasjedanje Skupštine saziva Odbor, najmanje petnaest (15) dana prije samog zasjedanja.
- (3) U odluci o sazivanju Skupštine Odbor utvrđuje dnevni red, sastavlja radni materijal i određuje dan zasjedanja, te je dužan na zasjedanje pozvati sve redovne članove/ice Udruženja.
- (4) Kandidati/kinje za mjesta u Odboru Udruženja mogu prije izbornog zasjedanja Skupštine voditi vlastitu izbornu kampanju.
- (5) Članovi/ce Odbora dužni su kandidatima/kinjama osigurati tehničku opremu za audio-vizuelne prezentacije kandidata/kinje na izbornom zasjedanju, ukoliko kandidat/kinja istu zatraži.

Član 22.

(Vanredno zasjedanje skupštine)

- (1) Vanredno zasjedanje Skupštine saziva se po potrebi i na inicijativu:
 - (a) Odbora;
 - (b) Nadzornog odbora;
 - (c) najmanje jedne trećine (1/3) članova/ica Skupštine.
- (2) Predlagač je dužan utvrditi dnevni red i sačiniti radni materijal Skupštine, a Odbor je dužan na zasjedanje pozvati sve redovne članove/ice Udruženja.

Član 23.

(Predsjednik/ca skupštine)

- (1) Skupštinom predsjedava predsjednik/ca Skupštine, koji/a se bira na mandat od godinu dana, s pravom ponovnog izbora.

Član 24.

(Rad skupštine)

- (1) Skupština može valjano odlučivati ako joj prisustvuje natpolovična većina svih redovnih članova/ica Udruženja.
- (2) Ako na Skupštini ne bude prisutna natpolovična većina svih redovnih članova/ica Udruženja, u roku od sedam (7) dana Odbor je dužan sazvati novo zasjedanje s istim dnevnim redom, a takav saziv Skupštine valjano odlučuje ukoliko je prisutno najmanje dvadeset (20) redovnih članova/ica Udruženja.
- (3) Odluke Skupštine donose se natpolovičnom većinom glasova svih prisutnih redovnih članova/ica Udruženja.
- (4) Počasni članovi/ce mogu učestvovati u radu Skupštine samo kroz raspravu, prijedlozima i sugestijama, ali nemaju pravo neposrednog odlučivanja glasanjem.
- (5) Glasanje u Skupštini u pravilu je javno, a u iznimnim slučajevima može biti i tajno.
- (6) Za vrijeme trajanja zasjedanja se vodi zapisnik, koji se javno objavljuje u papirnom i elektronskom obliku.
- (5) Način vođenja zapisnika pobliže se uređuje Pravilnikom Udruženja.

Član 25.

(Nadležnosti skupštine)

- (1) Skupština Udruženja ima sljedeće osnovne nadležnosti:
 - (a) donosi i mijenja statut Udruženja;
 - (b) donosi odluku o finansijskom planu i završnom računu;
 - (c) donosi Pravilnik Udruženja;
 - (d) donosi i mijenja program rada;
 - (e) bira i razrješava predsjednika/cu Skupštine, članove/ice Odbora, Nadzornog odbora i studentske izborne komisije iz člana 29. ovoga statuta, te potvrđuje izbor članova/ica Studentskog vijeća;
 - (f) odlučuje o žalbama članova/ica protiv odluka Odbora;
 - (g) odlučuje o udruživanju u savez i suradnji s drugim udruženjima;
 - (h) razmatra i usvaja izvještaj o radu i finansijskom poslovanju Udruženja;
 - (i) daje smjernice za rad Udruženja;
 - (j) osniva i imenuje odbore, komisije i slična tijela prema potrebi te im utvrđuje zadatke;
 - (k) obavlja i druge poslove određene zakonom ili Statutom;
 - (l) odlučuje o prestanku rada Udruženja.

Poglavlje V(b): Odbor

Član 26.

(Odbor i njegov sastav)

- (1) Odbor je izvršno tijelo Udruženja.
- (2) Odbor se sastoji od devet (9) izabranih redovnih članova/ica Udruženja (u daljnjem tekstu: odbornik/ca) raspoređenih u tri odjela, i to:
 - (a) Odjel za prava i standard – četiri (4) odbornika/ce;
 - (b) Odjel za studentske aktivnosti – tri (3) odbornika/ce;

- (c) Odjel za međunarodnu suradnju – dva (2) odbornika/ce.
- (3) Odbornike/ce bira Skupština Udruženja natpolovičnom većinom glasova na mandat od godinu dana, s pravom ponovnog izbora.
- (4) Po jedan odbornik/ca iz svakog odjela je ovlašten/a za zastupanje i predstavljanje Udruženja.
- (5) Odbornik/ca ne smije biti članom/icom Studentskog vijeća, Nadzornog odbora Udruženja niti studentske izborne komisije iz člana 29. ovoga statuta..
- (6) Način i organizacija rada odjela Odbora pobliže se uređuju Pravilnikom Udruženja.

Član 27. (Djelokrug Odbora)

- (1) Djelokrug Odbora sastoji se od sljedećeg:
 - (a) priprema i saziva redovna i izborna zasjedanja Skupštine, a saziva vanredna;
 - (b) priprema i saziva sjednice Studentskog vijeća;
 - (c) provodi odluke Studentskog vijeća;
 - (d) predlaže Pravilnik Udruženja na razmatranje i odlučivanje Skupštini;
 - (e) vodi cjelokupnu aktivnost Udruženja između zasjedanja Skupštine;
 - (f) predlaže finansijski plan i završni račun, te podnosi tromjesečni finansijski izvještaj i daje Skupštini na razmatranje i odlučivanje;
 - (g) brine o izvršenju programa i provodi odluke Skupštine;
 - (h) u ime Skupštine privremeno donosi odluke i zaključke, usvaja potrebne dokumente te ih na prvom zasjedanju Skupštine podnosi na raspravu i usvajanje;
 - (i) predlaže Skupštini udruživanje u savez i suradnju s drugim udruženjima.
 - (j) bira predstavnike Udruženja u one organizacije s kojima Udruženje surađuje;
 - (k) upravlja imovinom Udruženja;
 - (l) podnosi Skupštini na usvajanje tromjesečni izvještaj o radu;
 - (m) obavlja druge poslove u skladu s ovim Statutom i zakonskim propisima.
- (2) Tri odbornika/ce koji su ovlašteni/e za zastupanje i predstavljanje Udruženja potpisuju odluke i akte Skupštine, te finansijske spise.
- (3) Odbornik/ca koji/a je ovlašten/a za zastupanje i predstavljanje Udruženja potpisuje dopise koji se upućuju drugim stranama u ime njegovog ili njenog odjela.
- (4) Djelokrug rada odjela se pobliže uređuje Pravilnikom Udruženja.

Član 28. (Sjednica Odbora)

- (1) Sjednica Odbora održava se sedmično, a saziva je bilo koji od devet (9) odbornika/ca, koji/a je i moderira.
- (2) Odluke Odbora donesene na sjednicama su pravovaljane ako je sjednici prisutno najmanje sedam (7) odbornika/ca.
- (3) Preporuka je ovoga statuta da odbornici/e odluke donose konsenzusom, po načelu kompromisa. U suprotnom, odluka je pravovaljana ako je za nju glasala natpolovična većina svih prisutnih odbornika/ca.
- (4) Najmanje jedan odbornik/ca ovlašten/a za zastupanje i predstavljanje Udruženja dužan/na je potpisati odluke Odbora.
- (4) Za vrijeme trajanja sjednice se vodi zapisnik, koji se javno objavljuje u papirnom i elektronskom obliku.
- (5) Način vođenja zapisnika pobliže se uređuje Pravilnikom Udruženja.

Član 29. (Odgovornosti i opoziv odbornika/ca)

- (1) Odbornici/e su za svoj lični i zajednički rad odgovorni Skupštini.
- (2) Odbor podnosi Skupštini tromjesečni izvještaj o svom radu.
- (3) Skupština može opozvati odbornika/cu ili Odbor u cjelini ako smatra da je/su svojim radom povrijedio/povrijedili statut Udruženja ili programske ciljeve koje je utvrdila Skupština.
- (4) Odbor ili odbornici/e opozivaju se po postupku po kojem su izabrani/e.
- (5) Prijedlog za opoziv pojedinog/e odbornika/ce mogu podnijeti odbornik/ca, Nadzorni odbor ili najmanje jedna trećina (1/3) članova/ica Skupštine.

Poglavlje V(c): Studentsko vijeće

Član 30.

(Studentsko vijeće i njegov sastav)

- (1) Studentsko vijeće Udruženja (u daljnjem tekstu: Studentsko vijeće) je savjetodavno tijelo Udruženja, a sastoji se od po jednog člana/ice (u daljnjem tekstu: vijećnika/ca) sa svake godine studija sa svakog nastavno-naučnog odsjeka i nekih nastavno-naučnih katedri na Filozofskom fakultetu, koji/a mora biti redovan član/ica Udruženja.
- (2) Vijećnike/ce Studentskog vijeća biraju studenti/ce s pojedinačnih odsjeka i katedri, koji/e ne moraju biti redovni članovi/ce Udruženja, na izborima koje provodi i nadzire posebna studentska izborna komisija sačinjena od članova/ica Skupštine uz tehničku pomoć Odjela za prava i standard Odbora, na mandat od godinu dana s pravom ponovnog izbora.
- (3) Način formiranja i rada studentske izborne komisije pobliže se uređuje posebnim, općim aktom Udruženja kojeg predlaže Odbor a usvaja Skupština.
- (3) Odbor predlažu katedre čije se ustrojstvo smatra takvim da zavrjeđuju zasebnog vijećnika/cu, o čemu konačnu odluku donosi Skupština.
- (4) Odbornici/e, članovi/ce Nadzornog odbora te članovi/ce studentske izborne komisije iz stava (2) ovoga člana ne mogu biti vijećnici/e u Studentskom vijeću.
- (4) Dva odbornika/ce iz Odjela za prava i standard Odbora delegiraju se za rad sa Studentskim vijećem, bez prava glasa.

Član 31.

(Djelokrug Studentskog vijeća)

- (1) Djelokrug Studentskog vijeća sastoji se od sljedećeg:
 - (a) sastavlja i podnosi redovni dvomjesečni izvještaj o stanju na nastavno-naučnim odsjecima i katedrama Filozofskog fakulteta, koji uključuje i izvještaj sa sjednica vijeća nastavno-naučnih odsjeka Filozofskog fakulteta, uz tehničku pomoć Odjela za prava i standard Odbora;
 - (b) predlaže aktivnosti Udruženja;
 - (c) razmatra i nadgleda provođenje visokoobrazovnih reformi na Filozofskom fakultetu;
 - (d) predlaže preko Odjela za prava i standard Odbora korake, mjere i rješenja u provođenju visokoobrazovnih reformi i pri rješavanju problema studentskog tijela Filozofskog fakulteta Nastavno-naučnom vijeću Filozofskog fakulteta i drugim nadležnim instancama pri Fakultetu, Univerzitetu u Sarajevu te nadležnim ministarstvima;
 - (d) razmatra pitanja o studentskom standardu;
 - (e) predlaže Udruženju korake u vezi s izborom novog nastavnog kadra;
 - (f) anketira studentsko mnijenje, uz tehničku pomoć Odjela za prava i standard Odbora.

Član 32.

(Sjednice Studentskog vijeća)

- (1) Sjednice Studentskog vijeća održavaju se svakog mjeseca za vrijeme trajanja akademske godine, a po potrebi i češće.
- (2) Sjednice Studentskog vijeća saziva dvoje odbornika/ca delegiranih rad sa Studentskim vijećem ili jedna trećina (1/3) vijećnika/ca Studentskog vijeća.
- (3) Studentsko vijeće može valjano donositi prijedloge ako sjednici prisustvuje natpolovična većina svih vijećnika/ca.
- (4) Ako na sjednici Studentskog vijeća ne bude prisutna natpolovična većina svih vijećnika/ca, u roku od sedam (7) dana odbornici/e delegirani za rad sa Studentskim vijećem dužni su sazvati novu sjednicu, a takav saziv valjano donosi prijedloge ukoliko je prisutno najmanje dvadeset (20) vijećnika/ca.
- (5) Prijedlozi Studentskog vijeća donose se natpolovičnom većinom glasova svih prisutnih vijećnika/ca.
- (6) Glasanje na sjednicama Studentskog vijeća u pravilu je javno, a u iznimnim slučajevima može biti i tajno.
- (7) Za vrijeme trajanja sjednice se vodi zapisnik, koji se javno objavljuje u papirnom i elektronskom obliku.
- (8) Način vođenja zapisnika pobliže se uređuje Pravilnikom Udruženja.

Član 33.

(Odgovornosti i opoziv vijećnika/ca)

- (1) Vijećnici/e su za svoj lični i zajednički rad odgovorni studentima/cama koji/e su ih birali i Skupštini.
- (2) Skupština može opozvati vijećnika/cu ako smatra da je svojim radom povrijedio/la Statut ili programske ciljeve koje je utvrdila Skupština, i to natpolovičnom većinom glasova članova/ica Skupštine.
- (4) Prijedlog za opoziv vijećnika/ce može podnijeti najmanje jedna trećina (1/3) studenata/ica koje vijećnik/ca predstavlja u Studentskom vijeću, Odjel za prava i standard Odbora, Nadzorni odbor ili najmanje jedna trećina (1/3) članova/ica Skupštine.

Poglavlje V(d): Nadzorni odbor

Član 34.

(Nadzorni odbor i njegov sastav)

- (1) Nadzorni odbor je kontrolno tijelo koje prati rad svih tijela Udruženja, finansijsko i materijalno poslovanje Udruženja te se brine o poštivanju statuta i ostalih važećih propisa Udruženja.
- (2) Nadzorni odbor ima tri člana/ice (u daljnjem tekstu: nadzornik/ca Udruženja), a bira se na redovnoj izbornoj skupštini. Mandat nadzornika/ce Udruženja traje jednu godinu, s pravom ponovnog izbora.
- (3) Nadzornik/ca Udruženja mora biti redovni član/ica Udruženja.
- (4) Nadzornik/ca Udruženja ne može istovremeno biti i odbornik/ca ili vijećnik/ca, niti može biti članom/icom studentske izborne komisije iz člana 29. ovoga statuta.

Član 35.

(Sjednice Nadzornog odbora)

- (1) Nadzorni odbor odluke donosi na svojim sjednicama koje se održavaju po potrebi i to natpolovičnom većinom glasova svih nadzornika/ca Udruženja.

Član 36.

(Dužnosti Nadzornog odbora)

- (1) O uočenim nepravilnostima Nadzorni odbor izvještava Odbor, a ukoliko Odbor ne ukloni nepravilnosti u svom djelokrugu Nadzorni odbor će o tome izvijestiti nadležno tijelo kantonalne ili federalne uprave.

Član 37.

(Odgovornosti i opoziv nadzornika/ca udruženja)

- (1) Nadzornici/e Udruženja su za svoj lični i zajednički rad odgovorni Skupštini Udruženja.
- (2) Nadzorni odbor podnosi godišnji izvještaj o svom radu Skupštini, koja ga usvaja.
- (3) Skupština može opozvati nadzornika/cu Udruženja ako smatra da je svojim radom povrijedio/la Statut ili programske ciljeve koje je utvrdila Skupština, i to natpolovičnom većinom glasova članova/ica Skupštine.
- (4) Prijedlog za opoziv nadzornika/ce Udruženja može podnijeti najmanje jedna trećina (1/3) članova/ica Skupštine ili Odbor.

Poglavlje VI: Javnost rada

Član 38.

(Javnost rada)

- (1) Rad Udruženja i svih njegovih tijela je javan.
- (2) Javnost rada Udruženja ostvaruje se:
 - (a) pravovremenim i kvalitetnim izvještavanjem članova/ica Udruženja o radu Udruženja redovnim, tromjesečnim pisanim izvještajima, javnim zasjedanjima Skupštine, objavljivanjem zapisnika sa sjednica tijela Udruženja u pisanom i elektronskom obliku, na posebnim skupovima i na druge načine;
 - (b) preko medija, odnosno sredstava javnog informiranja;
 - (c) izdavanjem periodičnih obavijesti, biltena, časopisa i sličnog;
 - (d) preko interneta.

Poglavlje VII: Donošenje, izmjene i dopune statuta i drugih općih akata

Član 39.
(Statut udruženja)

- (1) Statut Udruženja donosi, te izmjene i dopune istog usvaja Skupština dvotrećinskom većinom glasova ukupnog broja članova/ica prisutnih na zasjedanju, a nakon provedene rasprave.
- (2) Izmjene i dopune Statuta može predložiti Odbor ili najmanje jedna trećina (1/3) svih članova/ica Skupštine.

Član 40.
(Opći akti Udruženja)

- (1) Opće akte Udruženja sastavlja i predlaže Odbor u skladu s odredbama ovoga statuta i Pravilnika Udruženja, a usvaja ih Skupština natpolovičnom većinom glasova svih članova/ica Skupštine.
- (2) Način donošenja općih akata pobliže se utvrđuje Pravilnikom Udruženja.

Poglavlje VIII: Materijalno-finansijsko poslovanje i imovina

Član 41.
(Finansiranje djelatnosti Udruženja)

- (1) Djelatnosti Udruženja finansiraju se:
 - (a) namjenskim sredstvima dobivenim od kantonalnih, federalnih i državnih tijela i drugih organizacija u svrhu ostvarivanja postavljenih ciljeva;
 - (b) iz prihoda iz darova, donacija, priloga i sl.;
 - (c) iz drugih izvora u skladu sa zakonom.

Član 42.
(Finansijsko poslovanje)

- (1) Finansijsko poslovanje Udruženja vodi se na temelju važećih finansijskih propisa Federacije Bosne i Hercegovine.
- (2) Udruženje finansijskim poslovanjem osigurava dugoročnu finansijsku stabilnost.
- (3) Obim, namjena, raspodjela i potreba za finansijskim sredstvima utvrđuju se finansijskim planom za svaku godinu, a u izuzetnim prilikama tromjesečno, što se utvrđuje posebnim aktom.

Član 43.
(Finansijski izvještaj i izvještaj o radu)

- (1) Skupština je dužna na tromjesečnom zasjedanju usvojiti izvještaj o radu i finansijskom poslovanju natpolovičnom većinom glasova, a koji priprema i podnosi Odbor.
- (2) U slučaju neusvajanja finansijskog izvještaja, Nadzorni odbor je dužan prijaviti moguće zloupotrebe ili druge malverzacije nadležnim općinskim, kantonalnim, federalnim i/ili državnim organima.

Član 44.
(Imovina Udruženja)

- (1) Imovinu Udruženja čine novčana sredstva, nekretnine, oprema, inventar i arhivsko-bibliotečki fond.
- (2) Imovina Udruženja prvenstveno služi za ostvarivanje njegovih programskih ciljeva, te za uredno poslovanje Udruženja.
- (3) Udruženje može svoju imovinu udružiti s drugim studentskim ili omladinskim organizacijama i udruženjima.

Poglavlje IX: Pripajanje, razdvajanje, transformacija ili prestanak rada udruženja

Član 45.
(Pripajanje, razdvajanje ili transformacija udruženja)

- (1) Udruženje će se transformirati, pripojiti ili razdvojiti kada to odluči Skupština Udruženja dvotrećinskom (2/3) većinom glasova svih članova/ica Skupštine

Član 46.

(Prestanak rada Udruženja)

(1) Udruženje prestaje s radom prema odluci Skupštine, pri čemu će se odlučiti i o imovini Udruženja na način određen zakonom.

(2) U slučaju da se ne održi zasjedanje Skupštine, imovina će privremeno biti predana na brigu Filozofskom fakultetu u Sarajevu.

Poglavlje X: Prelazne i završne odredbe

Član 47.

(Tumačenje Statuta)

(1) Za tumačenje odredbi ovoga Statuta nadležna je Skupština.

Član 48.

(Pravilnik Udruženja i posebni akti)

(1) Pitanja koja nisu pobliže uređena ili utvrđena ovim statutom uređuju se Pravilnikom Udruženja, a mogu se urediti i drugim posebnim aktima Udruženja.

Član 49.

(1) Ovaj Statut stupa na snagu danom njegova usvajanja na zasjedanju Skupštine Udruženja.

Član 50.

(1) Danom usvajanja ovoga Statuta stavlja se van snage Statut Organizacije za prava studenata pri Filozofskom fakultetu (OPSFF) od 13. 2. 2008. g.

U Sarajevu, XX. 9. 2009. godine

M.P.

Predsjednica Skupštine
Dunja Veselinović

.....